

alta no sistema, nunha funcionalidade distinta ao acceso profesional e a través do portal do Ministerio de Sanidade e Consumo.

14. O tratamento dos datos de carácter persoal rexe-rase polo disposto na Lei orgánica 15/1999, do 13 de de-cembro, de protección de datos de carácter persoal, e as súas disposicións de desenvolvemento.

## MINISTERIO DE SANIDADE E CONSUMO

**18584** *ORDE SCO/3089/2007, do 19 de outubro, pola que se modifican os anexos III, IV e VI do Real decreto 1599/1997, do 17 de outubro, sobre produtos cosméticos. («BOE» 257, do 26-10-2007.)*

O Real decreto 1599/1997, do 17 de outubro, sobre produtos cosméticos, recompilou nun só texto toda a normativa existente sobre esta materia adaptándoa á lexislación comunitaria, fundamentalmente á Directiva 76/768/CEE do Consello, do 27 de xullo de 1976, relativa á aproximación das lexislacións dos Estados membros en materia de produtos cosméticos. Con este propósito de adaptación, este real decreto foi modificado posteriormente polo Real decreto 2131/2004, do 29 de outubro, e o Real decreto 209/2005, do 25 de febreiro, e as ordes do 4 de xuño de

1998, do 26 de abril de 1999, do 3 de agosto de 2000 e as ordes SCO/249/2003, SCO/1448/2003, SCO/2592/2004, SCO/3664/2004, SCO/544/2005, SCO/3691/2005, SCO/747/2006, SCO/1730/2006, SCO/3283/2006, SCO/504/2007, SCO/1929/2007 e SCO/2614/2007 modificaron así mesmo os seus anexos.

As directivas 2007/17/CE da Comisión, do 22 de marzo de 2007, pola que se modifica a Directiva 76/768/CEE do Consello sobre produtos cosméticos para adaptar os seus anexos III e VI ao progreso técnico, e 2007/22/CE da Comisión, do 17 de abril de 2007, pola que se modifica a Directiva 76/768/CEE do Consello, relativa aos produtos cosméticos, para adaptar os seus anexos IV e VI ao progreso técnico, requiren a súa incorporación ao ordenamento xurídico interno mediante a transposición que aproba esta disposición, que introduce novos cambios nos anexos do Real decreto 1599/1997, do 17 de outubro.

Esta orde dítase de conformidade co establecido na disposición derradeira primeira do Real decreto 1599/1997, do 17 de outubro.

Na súa virtude, dispoño:

**Artigo primeiro.** *Modificación dos anexos III, IV e VI do Real decreto 1599/1997, do 17 de outubro, sobre produtos cosméticos.*

Os anexos III, IV e VI do Real decreto 1599/1997, do 17 de outubro, sobre produtos cosméticos, quedan modificados do seguinte modo:

Un. Na primeira parte do anexo III engádense os números de referencia seguintes:

Número de orde	Substancias	Restricións			Condicións de emprego e advertencias que deben figurar obrigatoriamente na etiquetaxe
		Campo de aplicación e/ou uso	Concentración máxima en produto terminado	Outras limitacións e exixencias	
a	b	c	d	e	f
«98	Ácido salicílico. (número CAS 69-72-7). (como conservante, ver anexo VI, 1ª parte, número 3).	a) Produtos para o cabelo que se aclaran. b) Outros produtos.	a) 3,0% b) 2,0%	Non utilizar en produtos destinados a nenos menores de tres anos, excepto en xampús.  Con outros fins que non sexan a inhibición do crecemento de microorganismos no produto. A presentación do produto debe pór en evidencia estoutros fins.	Non empregar para os coidados dos nenos menores de tres anos. (Unicamente cando se trate de produtos que se puidesen empregar para coidados de nenos menores de tres anos e que permanezan en contacto prolongado coa pel.)
99	Sulfitos e bisulfitos inorgánicos. (como conservante, ver anexo VI, 1ª parte, número 9).	a) Tinguiduras para o cabelo oxidantes. b) Produtos ali-sadores do cabelo.  c) Autobronceadores faciais.  d) Outros auto-bronceadores.	a) 0,67% expresado en SO2 libre. b) 6,7% expresado en SO2 libre.  c) 0,45% expresado en SO2 libre.  d) 0,40% expresado en SO2 libre.	Con outros fins que non sexan a inhibición do crecemento de microorganismos no produto. A presentación do produto debe pór en evidencia estoutros fins.	

Número de orde	Substancias	Restricións			Condições de emprego e advertencias que deben figurar obrigatoriamente na etiquetaxe
		Campo de aplicación e/ou uso	Concentración máxima en produto terminado	Outras limitacións e exixencias	
a	b	c	d	e	f
100	Triclocarban. (número CAS 101-20-2). (como conservante, ver anexo VI, 1ª parte, número 23).	Produtos que se aclaran.	1,5%	Criterios de pureza: 3,3',4,4'-Tetracloro-azobenceno < 1 ppm. 3,3',4,4'-Tetracloro-azoxibenceno < 1 ppm. Con outros fins que non sexan a inhibición do crecemento de microorganismos no produto. A presentación do produto debe pór en evidencia estoutros fins.	
101	Piritionato de zinc. (número CAS 13463-41-7). (como conservante, ver anexo VI, 1ª parte, número 8).	Produtos para o cabelo que non se aclaran.	0,1%	Con outros fins que non sexan a inhibición do crecemento de microorganismos no produto. A presentación do produto debe pór en evidencia estoutros fins.»	

Dous. Na primeira parte do anexo IV suprímese o colorante CI 45425.

Tres. A primeira parte do anexo VI modifícase como segue:

a) Na columna b, o símbolo (+) suprímese dos números de referencia 1, 2, 4, 7, 12, 14, 18, 19, 21, 22, 24, 25, 26, 27, 28, 29, 30, 32, 33, 35, 37, 42 e 47.

b) Na columna b, engádese o símbolo (+) aos números de referencia 5 e 43.

c) Suprímese o número de referencia 10.

d) Suprímese o número de referencia 36.

e) O número de referencia 1 substitúese polo seguinte:

Número de orde	Substancias	Concentración máxima autorizada	Límites e exixencias	Condições de emprego e advertencias que deben figurar obrigatoriamente na etiquetaxe
a	b	c	d	e
«1	Ácido benzoico (número CAS 65-85-0) e o seu sal de sodio (número CAS 532-32-1)	Produtos que se aclaran, excepto os produtos para a hixiene bucal: 2,5% (ácido). Produtos para a hixiene bucal: 1,7% (ácido). Produtos que non se aclaran: 0,5% (ácido).		
1 bis	Sales do ácido benzoico distintas das incluídas no número de orde 1 e ésteres do ácido benzoico.	0,5% (ácido).»		

f) O número de referencia 8 substitúese polo seguinte:

Número de orde	Substancias	Concentración máxima autorizada	Límites e exixencias	Condições de emprego e advertencias que deben figurar obrigatoriamente na etiquetaxe
a	b	c	d	e
«8	Piritionato de zinc (+) (número CAS 13463-41-7)	Produtos para o cabelo: 1,0% Outros produtos: 0,5%	Só produtos que se aclaran. Non utilizar en produtos para a hixiene bucal.»	

g) O número de referencia 56 substitúese polo seguinte:

Número de orde	Substancias	Concentración máxima autorizada	Límites e exixencias	Condições de emprego e advertencias que deben figurar obrigatoriamente na etiquetaxe
a	b	c	d	e
«56	Iodopropinil butilcarbato (IPBC).		Non se debe utilizar en produtos para a hixiene oral e o coidado dos labios.	

Número de orde	Substancias	Concentración máxima autorizada	Límites e exixencias	Condições de emprego e advertencias que deben figurar obrigatoriamente na etiquetaxe
a	b	c	d	e
	Butilcarbamato de iodo-2-propinilo N° CAS 55406-53-6.	3- a) Produtos que se aclaran: 0,02%.  b) Produtos que non se aclaran: 0,01%, excepto en desodorizantes e antitranspirantes: 0,0075%.	a) Non se debe utilizar en preparados para nenos menores de 3 anos, excepto en produtos de baño, xel de ducha e xampú.  b) - Non se debe utilizar en locións e cremas corporais (produtos destinados a seren aplicados en grandes extensións corporais) - Non se debe utilizar en preparados para nenos menores de 3 anos.	a) "Non se debe utilizar en nenos menores de 3 anos" (unicamente en caso de produtos, distintos dos produtos de baño, xel de ducha e xampú, que se poderían utilizar en nenos menores de 3 anos).  b) "Non se debe utilizar en nenos menores de 3 anos" (unicamente en caso de produtos que se poderían utilizar con nenos menores de 3 anos).»

Artigo segundo. *Prazo de comercialización.*

1. A partir do 23 de marzo de 2008 non poderán ser comercializados produtos cosméticos que non se axusten ao establecido no artigo primeiro, puntos un e tres.a), b), d), e) e f).

2. A partir do 18 de outubro de 2008 non poderán ser comercializados produtos cosméticos que non se axusten ao establecido no artigo primeiro, puntos dous e tres.c) e g).

Artigo terceiro. *Prazo de venda ou cesión.*

1. A partir do 23 de xuño de 2008 non poderán ser vendidos ou cedidos ao consumidor final produtos cosméticos que non se axusten ao establecido no artigo primeiro, puntos un e tres.a), b), d), e) e f).

2. A partir do 18 de abril de 2009 non poderán ser vendidos ou cedidos ao consumidor final produtos cosméticos que non se axusten ao establecido no artigo primeiro, puntos dous e tres.c) e g).

Disposición derradeira primeira. *Incorporación de dereito da Unión Europea.*

Mediante esta orde incorpóranse ao ordenamento xurídico interno as directivas 2007/17/CE da Comisión, do 22 de marzo de 2007, pola que se modifica a Directiva 76/768/CEE do Consello sobre produtos cosméticos para adaptar os seus anexos III e VI ao progreso técnico, e 2007/22/CE da Comisión, do 17 de abril de 2007, pola que se modifica a Directiva 76/768/CEE do Consello, relativa aos produtos cosméticos, para adaptar os seus anexos IV e VI ao progreso técnico.

Disposición derradeira segunda. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 19 de outubro de 2007.–O ministro de Saúde e Consumo, Bernat Soria Escoms.

## MINISTERIO DE EDUCACIÓN E CIENCIA

**18770** REAL DECRETO 1393/2007, do 29 de outubro, polo que se establece a ordenación das ensinanza universitarias oficiais. («BOE» 260, do 30-10-2007.)

A progresiva harmonización dos sistemas universitarios exixida polo proceso de construción do Espazo Europeo de Educación Superior, iniciado en 1999 coa Declaración de Boloña, e a conseguinte interacción operada entre tales sistemas polas diversas normativas nacionais sucesivamente promulgadas dotou dunha dimensión e dunha axilidade sen precedentes o proceso de cambio emprendido polas universidades europeas.

Próximo xa o horizonte de 2010 previsto pola citada declaración para a plena consecución dos seus obxectivos, o sistema español, mesmo tendo dado notables pasos cara á converxencia mediante a sucesiva adopción de normativas puntuais, carecía, non obstante, do axeitado marco legal que, dun xeito global, sustentase con garantías a nova construción.

A Lei orgánica 4/2007, do 12 de abril, pola que se modifica a Lei orgánica 6/2001, do 21 de decembro, de universidades, senta as bases precisas para realizar unha profunda modernización da universidade española. Así, entre outras importantes novidades, o novo título VI da lei establece unha nova estruturación das ensinanza e títulos universitarios oficiais que permite reorientar, co debido sustento normativo, o proceso anteriormente citado de converxencia das nosas ensinanza universitarias cos principios dimanantes da construción do Espazo Europeo de Educación Superior.

Este real decreto, seguindo os principios sentados pola citada lei, afonda na concepción e expresión da autonomía universitaria de modo que a partir deste momento serán as propias universidades as que crearán e proporán, de acordo coas regras establecidas, as ensinanza e títulos que deberán impartir e expedir, sen